

王勃



竹居致慶

全唐文

卷一百八十一之一百八十三

五
如

竹
思
散
處



全
唐
文
卷
之
四
十
七

欽定全唐文卷一百八十一目錄

于勃五

別盧主簿序

送劄走太學序


感興奉送王少府序

越州永興李明府宅送蕭三還齊州序

三月上巳被禊序

上巳浮江宴序

春日孫學士宅宴序



春夜桑泉別王少府序

與員四等宴序

送李十五序

夏日宴宋五官宅觀畫障序

夏日登韓城門樓寓望序

夏日登龍門樓寓望序

夏日宴張二林亭序

夏日諸公見尋訪詩序

仲氏宅宴序

餞宇文明府序

越州秋日宴山亭序

秋日宴季處士宅序

秋日遊蓮池序

秋日宴洛陽序

綿州北亭羣公宴序

宇文德陽宅秋夜山亭宴序

晚秋遊武擔山寺序

守歲序

遊山廟序

秋日登洪府滕王閣餞別序

秋日楚州郝司戶宅餞崔使君序

秋日餞別序

秋日宴洛陽序

秋日宴洛陽序

秋日宴洛陽序

秋日宴洛陽序

秋日宴洛陽序

欽定全唐文卷一百八十一

王勃

五

別盧主簿序

林慮主簿清靈士也達於藝明乎道詮柱下之理駁河上之義撮其綱統成其卷軸吾儕服其精博時議稱其典要可謂賢人師古老氏不死矣夫靈芝旣秀蘭蕙同薰仙鳳于飛鵝鸞舞翼何則物類之相感也况乎同得此義目擊道存此僕所以望風投款披襟請益展轉於寤寐殷勤於左右詩不云乎中心藏之何日忘之然變動之不居乃聚

欽定全唐文 卷一百八十一
散之恒理琴樽暫離山川有別惟高明之捧檄屬吾人之
解帶王事靡盬良時易失盍陳雅志各敘幽懷人賦一言
同疏四韻云爾

送劄赴太學序

今之游太學者多矣咸一切欲速百端進取故夫膚受末
學者因利乘便經明行修者華存實爽至於振骨鯁之風
標服賢聖之言懷遠大之舉蓋有之矣未之見也可以深
慕哉且吾家以儒輔仁述作存者八代矣未有不久於其
道而求苟出者也故能立經陳訓刪書定禮揚魁梧之風

樹清白之業使吾徒子孫有所取也大雅不云無念爾祖
易不云幹父之蠱書不云惟孝友于詩不云不如友生四
者備矣加之執德宏信道篤心則口誦廢食忘寢渙然有
所成望然有所伏然後可以託教義編人倫彰風聲議出
處若意不感慨行不卓絕輕進苟動見利忘義雖上一階
履半級何足恃哉終見棄於高人但自溺於下流矣吾被
服家業霑濡庭訓切磋琢磨戰兢惕厲者二十餘載矣幸
以薄伎獲蠲戎役嘗恥道未成而受祿恨不得如古君子
四十強而仕也而房族多孤飢粥不繼逼父兄之命覩饑

寒之切解巾捧檄扶老攜幼今既至於斯矣不蠶而衣不
耕而食吾何德以當哉至於竭小人之心中猶子之道飲
食衣服晨昏左右庶幾乎令汝無反顧憂也行矣自愛游
必有方離別咫尺未足耿耿嗟乎不有居者誰展色養之
心不有行者孰就揚名之業籩豆有踐菽水盡心盡各賦
詩敘離道意云爾

感興奉送王少府序

八十有遇共太公晚宦未遲七歲神童與顏回早死何益
僕一代丈夫四海男子衫襟緩帶擬貯鳴琴衣袖濶裁用

安
卷貧窮無有種富貴不選人高樹易來風幽松難見
日
翼未備獨居草澤之間翅翮若齊卽在雲霄之上鳥
羣多而無辨鳳馬羣雜而不分龍荆山看刖足之夫湘水
聞離騷之客人貧材富罔窺卿相之門貌弱骨剛豈入王
侯之宅王少府北辭伊闕南登涵山過我貧居飲我清酒
一談經史亞比孔先生再讀詞章何如曹子建山岳藏其
跡川澤隱其形一旦覩風雲千年想光景孔夫子何須頻
刪其詩書焉知來者不如今鄭康成何須浪注其經史豈
覺今之不如古王少府乃可畏後生學問人也各爲四韻

金定全唐文 卷一百八十一
三
共寫別懷

越州永興李明府宅送蕭三還齊州序

嗟乎不游天下者安知四海之交不涉河梁者豈識別離之恨薜衣松杖琴樽爲得意之親臨遠登高煙霞是賞心之事有梁孝王之下客僕是河南之南孟嘗君之上賓子在北山之北幸屬一人作寰中之主翛然四皓爲方外之臣游萬物之間相遇三江之表許元度之清風朗月時慰思王逸少之修竹茂林屢陪歡宴加以惠而好我攜手行或登吳會而聽越吟或下宛委而觀禹穴良談落

落金石絲竹之音輝雅致飄飄松柏風雲之氣狀當此時
也嘗謂連璧無異鄉之別斷金有好親之契生平於張范
之年齊物於惠莊之歲三光迴薄未殫投分之情四序循
環詎盡忘言之道豈期我留子往樂去悲來橫咽水而東
西緒愁雲於南北况乎泣窮途於白首白首非臨別之秋
嗟歧路於他鄉他鄉豈送歸之地暮收戒序少昊司辰清
風起而城闕寒白露下而江山遠徘徊去鶴將別蓋而同
飛斷續來鴻共離舟而俱泛古人道別動便經年今我言
離會當何日山巨源之風猷令望善佐朝廷嵇叔夜之潦

金定全唐文 卷之八十一 四
倒粗疎甘從草澤行當山中攀桂往往思仁野外紉蘭時
時佩德人非桃李豈得無言子是簫韶當思振響勉酌傷
離之酒具陳感別之詞各賦一言俱題六韻

三月上巳袂禊序

觀夫天下四方以宇宙爲城池人生百年用林泉爲窟宅
雖朝野殊致出處異途莫不擁冠蓋於烟霞披薜蘿於山
水况乎山陰舊地王逸少之池亭永興新交許元度之風
月琴臺寥落猶停隱遯之賓讓渚荒涼尚有過逢之客仙
舟溶裔若海上之槎來羽蓋參差似遼東之鶴舉或昂昂

騏驥或泛泛飛鳧

名利之場各得逍遙之地而上屬

無爲之道下棲元邈之風永淳二年暮春三月修板楔於
獻之山亭也遲遲風景出沒媚於郊原片片仙雲遠近生
於林薄雜花爭發非止桃蹊羣鳥亂飛有踰鸚谷王孫春
草處處爭鮮仲統芳園家家並翠於是攜旨酒列芳筵先
板楔於長洲却申交於促席良談吐玉長江與斜漢爭流
清歌遶梁白雲將紅塵並落他鄉易感增悽愴於茲辰羈
客何情更歡娛於此日加以今之視昔已非昔日之歡後
之視今豈復今時之會人之情也能不悲乎且題姓字以

表襟懷使夫會稽竹箭則推我於東南崑阜琳琅亦歸予
於西北

上巳浮江宴序

吾之生也有極時之過也多緒若夫遭主后之聖明屬天
地之貞觀得畎畝之相保以農桑爲業而託形宇宙者幸
矣况乃偃泊山水遨遊風月樽酒於其外文墨於其間則
造化之於我得矣太平之縱我多矣茲以上巳芳節雲開
勝地大江浩曠羣山紛糾出重 而振策下長浦而方舟
林壑清其顧盼風雲蕩其懷抱於時序躔清律運啟朱明

輕萸秀而郊戍青落花盡而亭皋晚丹鷲紫蝶候芳咎而
騰姿早鷺歸鴻俟迅風而弄影巖暄蕙密野淑蘭滋弱荷
抽紫踈萍泛綠於是儼松舲於石嶼停桂檝於璇潭指林
岸而長懷出河州而極睇妍妝袷服香驚北渚之風翠幙
元帷彩綴南津之霧若乃尋曲渚歷迴溪榜謳齊引漁歌
互起飛沙濺石湍流百勢翠嶮丹崖岡巒萬色亦有銀鈎
犯浪掛蘋翼於文竿瓊舸乘波耀錦鱗於畫網鍾期在聽
元雲白雪之琴阮籍同歸紫桂蒼梧之醴旣而遊盤興遠
景促時淹野日照晴山烟送晚方披襟朗詠餞斜光於碧